

P R A E F A T I O.

Cæsi Deorum seriùs, ocyùs,
Omnes ad unum turbine flammeo:
Aut saxum traxêre, visâ
Ægide Palladia, rigorem.
Hunc Ætna vasto pondere Trinacris:
Illum coërcet mole Vesevius,
Semperque fumos æstuantes
Faucibus Alcyonêi volutat.
Pars inquieti vi maris obruta:
Pars missa forti sub Styga fulmine,
Ultrice Dirarum flagello
Tartarea cohibetur unda.
Illic trecenis bellua centiceps
Cogit catenis quotquot ad athera,
Vi propria, Divûm timore
Posthabito, penetrare nisi.
Quos in ferentes jura silentibus
Mirum severi supplicij genus
Cudunt, & intorti capillis
Eumenidum reparantur angues.
Vt quid superbum quàm dominum Elidis,
Præterque sævum Tartara plecterent
Corinthium, longèque tractum
Visceribus Tityon novenis:
Nec semper undis vana fluentibus
Mirentur umbræ dolia Belidum,
Pœnamque se semper sequentis,
Et medio sitientis amne.
Novus sed instat Cœlitibus labor
Ab aëris qui munere vescimur,
Secura nec cœlo Mimantis
Parta quies Briarêique fato.
Humana nam gens, omnia perpeti.
Audax, superbit per vetitum nefas,
Instar Gigantis cuncta turbans
Iura animo malè pertinaci.

* iij

Radice